

XITATIMENTE XA VUHANGALASAMAHUNGU XA NHLANGANELO: VULAWURI BYA NDZAVISISO MAYELANA NA VUKUNGUNDZWANA (IDAC) NA VUKORHOKERI BYA XIBALO BYA AFRIKA-DZONGA (SARS)

MULAWURI WA KHAMPA NI LOYI A LANGUTANEKE NA MILANDZU YA VUKUNGUNDZWANA A GWEVIWA MAYELANA NA VUXISI BYA XIBALO BYA R3.6 MILLION

Tshwane, 9 N'wendzamhala – Vulawuri bya Ndzavisiso Mayelana na Vukungundzwana (IDAC) hi ku tirhisana na Vukorhokeri bya Xibalo bya Afrika-Dzonga (SARS), na tiejensi tin'wana ta nsindziso wo hlayisa nawu swi kumerile malembe ma ntsevu mo kongoma laha mambirhi ma nga yimisiwa mayelana na Tshepo Khoza eka mhaka ya vuxisi bya xibalo lebyi katsaka kwalomuya ka R3.6 million, lebyi katsiwaka eka vukungundzwana bya swa sisiteme eka tiphurosese ta maxavelo ya mfumo.

Tshepo Khoza, mulawuri wa *Grey Apple Trading Enterprise (Pty) Ltd*, u voniwile nandzu eka milandzu yinharhu, wun'we wu wela ehansi ka nkhetekanyo wa Xedulu ya 5 (milandzu ya ntikelo) na wun'we wo tsandzeka ku titsarisela Xibalo xa Mixavo (VAT) hi ku tlula ka xiyenge xa 234 xa Nawu wa Vulawuri bya Xibalo.

Ku voniwa nandzu ku landzela milavisiso ya matimba ehansi ka Phurojeke ya **Blue Lights**, leyi paluxeke leswaku *Grey Apple Trading Enterprise* yi amukerile tithendara ku suka eka Vukorhokeri bya Maphorisa bya Afrika-Dzonga (SAPS) leti hlanganisiweke na phurojeke ya DNA leyi nga ehansi ka Yuniti ya FSL (laborathari ya sayense ya forensiki). Tithendara leti ti nyikiwile hikwalaho ka vuxaka bya ndyangu wa Khoza na mutirhinkulu wa SAPS. Handle ko kuma kwalomuya ka R3.6 million exikarhi ka 2015 na 2018, Khoza u tivisile hi ndlela yo hoxeka leswaku khampani yi rhongomerile no tsandzeka ku tivisa malinghena eka SARS. Ntengo wa vukungundzwana laha a nga hehliwa na van'wana wu ta sungula hi ti 22 Nyenyenyani 2026.

Khomixinara wa SARS Edward Kieswetter kun'we na Nhloko ya IDAC, Gqweta Andrea Johnson va khensile ntirhisano lowu fikiseke eka ku voniwa nandzu loku, leswi tiyisisaka ntshembo wa mani na mani eka matshalatshala mo khoma vulandzelelanawu no lwa na vukungundzwana.

"Vuxisi bya xibalo a hi vugevenga byo pfumala mukhumbeki. I vukhamba ku suka eka nkwama wa rixaka naswona, emakumukumu, ku suka eka mamiliyoni ma vaaki va Afrika-Dzonga lava tiseketelaka hi vukorhokeri bya mfumo mayelana na dyondzo, nhletelarihanyu, na nseketelo wa vanhu. Rhandi yin'wana na yin'wana leyi yiviwaka hi ku tirhisa swikimi swa vuxisi yi nyadza vuswikoti bya tiko ra hina ku phakela xileriso vumbiwa ra rona. SARS yi nge kondzeleli endlero rero. Hi ta tirhana na kheyisi yin'wana na yin'wana hi nga karhali, naswona lava hlawulaka ku xisa sisiteme va fanelele va tiva leswaku vutihlamuleri bya boha naswona vululami byi ta humelela, ku vurile Kieswetter.

Mbuyelo lowu wu kombisa hetiseko wa matshalatshala mo hlanganisiwa exikarhi ka SARS, IDAC, na tiejensi ta nsindziso wo hlayisa nawu ku lwa na vugevenga lebyi xakelaka na vugevenga na vukungundzwana eka maxavele ma mfumo. Kheyisi yi

vumba xiphemu xa qhinga ro anama ku tlhantlha tinetiweke leti nyandzaka xindzhuti xa swa timali na ntshembo wa mani na mani. Leswi swi vulavula vutinyiketeri bya matimba ku heleketa emavokweni ma nawu lava tinyiketeleke ku xisa mfumo.

Mayelana na mahungu hi xitalo u komberiwa ku tihlanganisa na SARSMedia@sars.gov.za na Muvulavuleri wa IDAC Henry Mamothame 0823175731.